

杞縣志

十九
二十

DS
793
H52056
1988
v.10





列女志上

后妃 孝女

名媛 孝婦

義烈 賢婦

烈女

烈婦

詩書之言女德尙矣遷固史列女無傳至蔚宗始有之然已列文姬於其中矣祀一邑耳而貞心峻節歷代不少大要時逢陽九事乖好合甘茹荼以撫嬰誓同穴而赴義甚有踰禮守信未嫁而殉其夫者亡人絕嗣堂上無依忍死以養其舅姑者以至報讐割愛伏劒沉淵貞魂毅魄與烈丈夫何以異哉若夫刲股非孝亦見微誠侍妾殉夫凜乎正氣激揚千載宜並錄焉他若宮娥可考才女堪稱

槩爲譏述循舊例也嗚呼女子以節烈傳已不幸
矣又可以聽其淹沒而無紀哉別其門類繫以事
跡備觀覽云

后妃

漢

竇貴人外黃人後漢順帝時年十二能屬文以才
貌選入掖庭有寵與梁皇后並爲貴人擢父章爲
羽林郎將遷屯騎都尉貴人早卒帝追思無已詔
史官樹碑頌德章自爲之辭

爲瑯琊王納后爲妃無子永嘉六年薨時年三十
五帝爲晉王追尊爲王后有司奏王后應別立廟
會有事未果太興三年遣使持節兼太尉萬勝奉
冊贈皇后璽綬祀以太牢乃祔於太廟葬建平陵
明

張妃周康王妃也義士張延恩之孫女父希義授
兵馬指揮使見義士傳

李妃周世子妃也曾祖可大見方技傳父角贈兵
馬指揮使

名媛

漢

蔡琰字文姬邕之女也博學有才辨又妙於音律

適河東衛仲道夫亡無子歸寧於家興平中天下

大亂文姬爲漢北騎所獲沒於左賢王者十二年

生二子曹操素與邕善痛其無嗣乃遣使者以金

璧贖之而重嫁與董祀祀爲屯田都尉犯法當死

文姬詣曹操請之時公卿名士及遠方使驛坐者

滿堂操謂賓客曰蔡伯喈女在外今爲諸君見之

及文姬進進者走于前頃時見之

文姬曰明公廐馬萬匹虎士成林何惜疾足一騎而不濟垂死之命乎操感其言乃追原祀罪時旦
寒賜以頭巾履襪操因問曰聞夫人家先多墳籍猶能憶識之否文姬曰昔亡父賜書四千餘卷流離塗炭罔有存者今所誦憶纔四百餘篇耳操曰
今當使十吏就夫人寫之文姬曰妾聞男女之別禮不親授乞給紙筆真草唯命於是繕書送之文
無遺誤後感傷亂離追懷悲憤作詩二章文多不
錄

按晉書景獻羊皇后諱衛瑜太山南城人父衛上
黨太守后母陳留蔡氏漢左中郎將邕之女也泰
始九年追贈蔡氏濟陽縣君又羊祜傳祜蔡邕外
孫景獻皇后同產弟是邕別有女適羊衛也存以
備考

義烈

秦

孟姜女范杞梁妻秦始皇築長城范役焉姜女製
寒衣親送至邊范已死矣女循城號泣城爲之崩

在古蹟門

漢

緱氏名玉後漢外黃人爲從父報讐殺父之從母
兄李士姑執玉以告吏吏以告外黃令梁配配論
殺玉邑人申屠蟠時年十五爲諸生進諫曰王之
節義足以感無恥之孫激忍辱之子不遭明時何
當表旌廬墓況在清聽而不加哀矜配善其言爲
璫得減死論鄉人稱美之

元

范氏萬昱妻至正間昱奉親與兄弟避難母亡於道旣而父兄亦亡會丞相泰不華總戎昱從軍適有遠行別范曰吾兄已亡惟餘一子苟不得已棄已子耳范許諾尋果兵變范如夫命棄子存姪無不平意及亂平生一子人以爲義憾所致因名其子曰義

烈女

明

史氏女名愛正德初許聘同邑孔宏業未娶而宏

我心母獨不諒人耶又見蠶成繭歎曰春蠶結繭
金葫蘆人生不義不如無母知不可奪異日乃製
素衣縞裳送之孔家時鄉之老稚從觀者如堵女
告之曰適二姓者勿入我室於是慚而退者十之
二三抵暮乃白舅姑從容整衣自縊而死有白氣
縷縷騰屋上連旦始消縣令劉廷簠臨其喪爲營
葬事復申請疏於朝詔旌其門

張氏女行二父東光嘉靖末年許聘陳留鄭瑁隆
慶二年瑁死女聞之卽製帛欲縊不得白母欲求

一弔許之偕母秦氏往弔女至瑁柩前一號幾絕
遂誓死不返母與姑環泣守之勺水不入於口餓
十四日而死與瑁合葬兩縣聚觀者數千人

鄭氏女名京父僮母陳氏方孕時夢空中仙樂儀
仗冉冉而下寤而生京年十歲許聘邑庠生王念
祖未幾念祖卒京力請其父母歸王氏並祈自製
繒帛四篋欲貽舅姑許之京乃着常服自傳家集
登輿詣縣時聚觀者甚衆京因命褰帷示之容色
坦然道經文廟京下輿入謁畢至夫家始出篋內

是者五日忽日期至矣請設床榻於柩前趨入靈
帷急易吉服而四肢已僵衆昇就榻京偃臥其上
猶手自整衣瞑目而逝邑中喧傳以爲異事次日
邑令李梯親視之京忽張目合手若爲禮狀左右
觀者爲之竦然邑令出目乃瞑比殮顏色如生其
夜室有紅光照耀久之乃滅隆慶帝御製輓章勒
於石坊曰未見夫面殉夫亡不比尋常烈女行白
髮尙且移晚節青年誰肯棄紅粧魂歸地下乾坤
老名在人間草木香朕淚從來不輕洒爲爾萬古

振綱常

白氏女許聘侯兆智兆智年十三卽夭女年十二聞之不食七日而死兆智父母請迎其喪合葬

張氏女庠生冲霄女也崇正末流寇過杞見女有姿色欲擄之行女曰我士人女誓不從賊掖之上馬女大罵自投於地賊復掖之如是再四賊怒掖刀斫之女罵不絕口而死時年十五

國朝

劉氏女武生始藻女也許聘楚宏煥未娶煥卒女

旌之

路氏女名誠許配於邢姓年十八時同村有李振
窺女美潛入調姦女喊拒卽羞忿自縊舉於官邑
侯李往驗女面色如生命備棺葬立石以志其墓
請

新建坊旌表墓在王儀嬪庄前

張氏農家女也父早卒十八歲母劉氏許配生員
王元錦子爲室乾隆丁卯後迄年凶荒人相食元
錦子外出不歸及癸酉氏年二十六元錦携婚書

告其母使另擇配氏聞慟哭願守元錦置婚書而
去是夜氏乃投環母急救乃蘇隣家女皆勸之則
曰愛我者勵我死我者勸我隣女莫不驚顧失色
氏乃朝紡夜織以養母庚寅母病卒盡賣房屋庄
基以葬之畢旋閉門自縊烈女亦孝女也

鄭氏女名姤姐住板木社谷熟壩許配於張忠子
名狗父母蚤卒無依遂依食舅姑未婚夫十歲天
女十六歲舅姑願爲擇婚配女跪泣不從願終身
事舅常患脚病不能食力女織紡作苦以供朝夕

舅病交攻皆宿食且享乞養五

是夕女自縊死三日面如生人爭異之遂與姑並
葬於庄西北相傳爲烈女塚云

袁氏女名九姐碧菴女也許聘於劉世文之子尙
科未完婚尙科殤女十九歲投繯者三俱以救不
得遂越月餘母托病招女歸將與議婚復奔姑家
誓不歸鄉里義之紡織以事舅姑終身不懈取姪
永安爲嗣撫育成立邑令許旌其門曰志比貞筠
年六十四

烈婦

明正德年

邊氏庠生邵南妻夫亡自縊旌表

馬氏劉潤妻夫亡自縊旌表

康氏王周妻夫亡自縊旌表

嘉靖年

王氏劉光遇妻夫亡自縊旌表

張氏庠生楊學朱妻夫亡自縊邑令蔡時雍代備

棺殮旌表

馬氏庠生林梧妻二十歲夫亡子甫週歲撫子守

張氏曹棟繼室夫亡自縊旌表

隆慶年

張氏孫麟妻夫亡卽時自縊此晚麟復生越二日

乃亡旌表

徐氏張存儒妻夫亡自縊旌表

萬厯年

劉氏高彥敬妻夫亡自縊旌表

王氏馮大寅妻夫亡自縊旌表

李氏張朝儀妻夫亡自縊旌表

林氏名玉蘭顧宏善妻母孕時夢人授以白蘭花
故名年十七歸宏善越六年宏善病篤誓以死殉
其父勸止之氏因取原定婚戒指二一着夫指一
以自着示必殉意數日不食家人知不可奪乃延
繪工至傳其神氏欣然許之宏善亡氏撫其屍泣
曰少俟我遂整衣拜辭舅姑自縊柩側建坊旌表
徐氏李氏徐氏趙從朴妻朴亡氏痛哭嘔血越之
日密携衣帶潛至夫柩側自縊其母覺之救解得
生三日不食次早給其姑曰吾不死矣因飲米汁

少午古言爲然

亦然及臯氣將絕目李氏氏曰旣許以死豈忍背
之比卒收殮畢入室理髮整容拜辭舅姑自縊人
號一門雙節建坊旌表

孟氏牛宗正妻夫亡年正少而母家甚饒止生此
女常密防之越九日潛縊柩側旌表

賈氏御史李用中繼室年甫二十用中病卒從容
自縊邑令旌曰直臣烈婦

許氏劉自立妻自立病劇氏自誓有青塚黃壚其
甘如飴之句及卒自縊柩前建坊旌表

陳氏梁較妾夫亡卽曰拜辭其姑欲殉姑憐其年少勸止之次日潛縊柩側與夫合葬

張氏故倡女嫁韓守志爲妾守志病氏先期七日不食夫亡卽曰自縊

天啟年

范氏庠生湛宸裏妻夫亡三日不食而死兩院旌獎

劉氏田再稔妻夫亡時年二十二數投繯以營救不死曰惟撫棺長號絕粒十三日而死死之日嚴

之而歿時乙丑十二月也蘭陽梁雲構誌其墓
戴氏廩生李繩祖妻儀封貴族女夫亡自縊奉旨
旌表

連氏庠生孟紹雍妾亦倡女也性淑而慧崇正末
從夫避難河朔躬勤操作無怨言夫亡卽日自縊
軀側其後歸葬啟窆時棺朽而顏色如生人咸異
之

崇正年

李氏馮之漢妻夫亡七日不食而死

曹氏劉自修妻夫亡父母欲奪其志不食而死

萬氏李氏中允劉理順之妻妾也萬氏封安人崇
正甲申國變中允欲殉國以喻妻妾安人曰公死
吾不可以獨生遂先自縊李氏亦曰妾獨不食君
祿乎寧敢苟生甫投環而氣絕中允並拜之然後
就義女劉氏孔印機妻機早亡守節終身

王氏丁泰期妻寇亂避地城西子敬載以車挽至
韓垵遇賊欲擄之因大罵遇害掩屍道左後以子
貴贈宜人

路氏江自省妻夫亡氏孀居流寇圍鎮欲污之
罵賊而死子文炳痛母遇害廬墓三年

孟氏司彰光妻紹華之女夫亡年二十二卽日自
縊邑令旌之

鄭氏王者璽妻年十四適璽未幾夫亡欲以身殉
姑勸止之不從卽日自縊邑令旌之

馬氏杜堦妻庠生馬之俊女流寇破城被執罵賊
而死

張氏李之用妻夫亡守節後經寇亂度不能免投

井而死

國朝康熙年

軒氏孟宏恂妻睢陽名家女也適宏恂事孀姑以孝稱宏恂喜讀書攻苦遭疾氏奉侍湯藥弗懈嘗語宏恂曰脫有不諱當以死殉後宏恂卒氏沐櫛着新衣冠自縊柩側弱女甫三齡呱呱抱泣弗顧也殮時顏色如生人咸異之睢陽湯司空爲之傳趙氏侯延禔妻延禔於元年七月病亡氏誓身殉因有遺腹姑勸止之勉強進食至明年正月生一

楊氏故倡女也嫁庠生趙彥昇爲妾三年六月彥昇卒氏卽時自縊時天氣溽暑棺木未具三日始殮顏色如生人咸異之

馬氏劉埴妻庠生顒之女也七年夫亡自縊奉

百建坊旌表

孫氏何柏齡妻睢庠昉之女也十五歸庶常嗣子柏齡柏齡以攻苦致疾氏奉藥餌惟謹病革氏翻身笑如尋常家人異之伺其入室乃暗藏刀索於裙拖間爲殉夫計柏齡卒視殮畢不哭竟去姑勸

易服執喪氏始拊膺大慟曰我業以死許夫矣寧
忍苟活是時子女皆癡幼呱呱然泣氏終弗顧次
早乘隙自縊柩側年二十二時癸亥五月也奉

旨建坊旌表

朱氏廩生朱徽女張纘曾妻也纘曾卒氏親含殮
畢卻衰麻弗御家人怪之夜令外祖母伴寢氏給
之曰吾欲夜拜靈柩耳伺母睡熟乃對鏡粧梳着
嫁時衣潛地拜辭翁姑及夫靈柩然後從容就義
比母驚覺殘焰在窻而氏已自縊柩側時丙寅三

月也奉

孟氏太學生趙遵普妻貢生候補中書宏愨女也
遵普暴疾卒氏自縊者三皆爲家人解救得蘇父
復以撫孤大義相責氏陽許家人以爲不復死防
護稍疎遂自縊柩前邑令旌之

孟氏孝廉問驄季女也年十九適穆國弼甫一年
國弼赴南陽軍効用感疫卒氏聞訃以死自矢家
人防護甚周度志不遂陽慰其姑後國弼櫬歸停
北郭氏出哭奠如禮及返城中仍同家衆辦次早
上食事夜深自縊家人解救已委蛻矣顏色如生

兩手猶帶麪痕時辛未八月也邑令旌之

陳氏常彪妻夫亡年十九公姑惜其幼欲令改適氏聞信自縊邑令謝天植旌之

袁氏孟寧側室夫亡自縊以救復生親族憐氏幼且無子女勸其改適氏泣曰吾何忍更事他姓復自縊邑令謝天植旌之

李氏王國珍妻夫亡氏年二十投環自縊以家人防閑未遂至夫百日赴墓焚化痛哭幾絕回家轉哀爲喜人不及防服毒自盡邑令謝天植以

餘年舅姑以年少無依私與其叔議令改稼氏覺之向姑泣曰欲終養後死耳今何相促耶是夜遂自縊

雍正年

宋氏陳晉顯妻結褵二載夫暴亡潛縊柩側邑令陳賁懿給匾聯勒石旌之聯云一朝烈氣惟留帛千載節形獨望夫

趙氏武舉杜韜側室韜卒氏自縊邑令陳賁懿旌之

戚氏經歷朱大年側室大年卒氏卽日自縊棺側
邑令陳賁懿旌之

潘氏生員楊希聖繼室夫亡三日自縊邑令陳賁
懿旌之

高氏庠生淑弼女年十五歸劉文烈公五世從孫
世科結褵五載世科歿卽投環以殉丙午年正月
初三日也前舅氏亡姑馬氏死節亦丙午年正月
初三日志操同時日亦同忠烈萃於一門邑人侯
京曾輓詩有厄當丙午天災慘事比甲申國步艱
之句爲得其實云雍正五年

黃氏秦維梓妻夫亡遺孤未周歲氏語其父母曰
吾必不欲生但子幼甚吾死子亦難保吾夫不能
瞑目然吾志已決待時耳又三載子離乳哺氏托
於姑值夫忌日自縊棺側三日含殮顏色如生邑
令王履仁旌之

張氏程思仁妻結褵四載夫亡自縊邑令王履仁
旌曰蘭閨正氣

張氏楚寧坦妻夫亡自縊邑令石之憲旌之

乾隆年

孫氏霍惠世妻夫亡年二十二引刀斷頸以解救
未遂旋乘隙自縊邑令王大樹旌曰節烈流芳

李氏張元福妻夫亡卽日自縊顏色如生邑令王
大樹旌曰舍生取義

侯氏劉鑑繼室裕州教授展裴孫女也于歸二載
夫故無子誓以身殉家人防之密氏曰欲我不死
急爲夫取嗣許之自是朝夕哭奠治喪事嗣定氏
爲製衣履至夜自縊棺側邑令許佩璜旌曰烈姪
摩笄時禁死節未具題撫憲亦給匾曰志在成仁

姑不離若母女姑憐其幼有遣歸母家改嫁意氏
覺誓不歸寧忽其叔首產一子氏於夫二周之日
跪討立嗣許之抱曰吾爲汝苟活二年矣是夕自
縊邑令許佩璜旌之

韓氏其夫名韓福農家子也同村有高三者素相
往來高乘福出夜入氏私室調姦氏喊嚷終不污
因羞忿欲自盡福嚴防之越二日乘間自縊乾隆
九年奉

旨建坊旌表

徐氏張宗武妻夫亡欲以身殉念老姑無依忍死
奉養越三載姑逝夫三周之日氏痛哭一日夜自
縊邑令王之衛旌曰節孝可風

孟氏李澍繼室夫亡氏哀慟欲殉以家人防護未
得越兩日夜半乘間投環邑令王之衛旌曰摩笄
爭輝

李氏監生陳廷尉妻夫亡自縊家人解救得免越
五月氏將子女托於兄嫂數日不食而死乾隆十
年題請旌表

從容視含殮絕無激烈狀家人亦不爲防護越二
日自縊解救復甦至次日卒家人乃驚憶向者倉
皇哀慟不暇爲氏勸食絕粒引決者已數日於茲
矣邑令王之衛旌曰慷慨完節

李氏尹克焱妻夫亡年二十一慟哭嘔血卽衣自
縊邑令王之衛旌曰芳年奇節合邑紳士撰文刊
石

王氏孟津訓導潘汝範側室年四十九生三女夫
九十五卒氏拊膺大慟曰恩主死矣恩主死矣越

二日親視含殮畢從容而去轉瞬家人驚曰氏自縊旋救氣則已絕笑容如生比着殮衣時體僵復和若欲自服狀人咸奇之乾隆十年題請旌表
何氏孫兆書妻年二十四夫出外貿易病故氏聞訃自縊

劉氏步履正妻年二十七歲夫亡三日後慷慨赴義視死如歸

孫氏步公賢妻年二十歲夫亡潛縊柩側顏色如生奉

聞葬夫有期縊於柩側縣丞高旌其門曰大節成
仁

林氏名生姐福建龍巖州天才女也天才携妻女
貿易於閩因家焉氏適謝舜章六載夫病曰篤氏
卽誓從地下夫死氏鬻嫁時衣物以營葬事越七
日氏整粧投繯死年二十四氏兄林春育以合葬
焉

王氏劉二妮妻因被袁添安調戲羞忿自縊乾隆
二十九年申請奉

旨旌表

董氏李成桂妻夫亡欲以身殉家人防之未得越數日乘間自縊乾隆十九年奉

旨建坊旌表

趙氏張維基妻夫歿泣血不食越二日自縊乾隆十九年奉

旨建坊旌表入祠

潘氏趙世祿妻因李大驢圖姦不從羞忿自縊乾隆

三十九年奉

五十二年奉

尚建坊旌表人祠

李氏項玉妻夫亡子幼撫孤守節逾年而子亦夭
公姑與母家俱欲奪其志氏因自縊乾隆十一年
邑令王之衛旌表

趙氏蒲義妻結褵三月夫亡氏慟哭盡禮夜沐浴
更衣縊於夫傍邑侯周璣以殉身取義旌其門

陳氏耿驥驊妻十八歲于歸期年夫亡身有遺腹
踰三月獲男不幸又夭氏痛幾絕因念公姑無嗣

強奉晨夕後其姑復生子氏乃喜賀曰父母已有
托矣彌月整服拜公姑衆不解其意夜卽自縊邑
侯周璣旌其門曰舍生取義

孝女

國朝乾隆年

李龍姐生員李元慈之女母何氏生女四歲而亡
繼母曹氏撫女如親生女亦孝事繼母乾隆十三
年母患痢至三月餘女奉事湯藥極盡心力母病
革女輒飲泣母死三日卽縊於柩側已入郡誌

王氏侍御徐元側室舅氏請告家居得風疾時元出按遼陽氏朝夕奉舅惟謹舅氏病篤氏焚香籲天割左臂爲羹以進舅疾漸瘳延至次年而侍御以差竣還家父子得聚首永訣皆其至孝所感云年二十九卒虞城湯東明爲之傳

國朝

李氏庠生王從善妻夫亡家無長物惟有桑板二副舅姑賣其一以自給而分其一以養孤孀歲荒氏恐舅姑乏食悉獻之爲孝養資夫亡有遺金托

其姑之姪劉大恩置田五十畝恩私鬻自肥後姑
歿始知之卒不問懼傷姑志其事死如生如此課
子鵬中甲子鄉科

蔡氏路得修妻崇正時姑霍氏病刲股爲羹以進
其病尋愈邑令旌之

吳氏庠生郭簡妻爲姑病割股邑令旌之

李氏武舉蘇蘭妻爲翁病割股邑令旌之

秦氏張蘊妻爲翁病割股邑令旌之

董氏潘文妻爲姑病割股邑令旌之

三
六
河
公
令
妻
二
蕭
居
古
長
氏
以
病
經
年
氏
誓

孫氏苗天祿妻夫亡孀居養姑姑年八十病劇氏割股爲羹以進其病尋愈邑令旌之

王氏守御張大勲妻適勲二年勲卽從事都門二十餘年氏在家奉養翁姑甘旨弗缺稱孝婦焉

黃氏方澤妻爲姑病刲股邑令旌之

楊氏常家婦也因姑病革刲股爲羹以進病尋愈邑令以篤孝性成旌之

徐氏趙崑珪妻爲姑病割股病尋愈邑令旌曰誠孝格天

江氏高淑愈妻姑亡孝事舅翁後舅氏陞選塗中
病歸醫藥弗痊氏割股和藥以進其疾尋愈邑令
王履仁旌之

張氏趙應奇妻姑患癰疾飲食起居維艱氏左右
奉事歷數年無少懈邑令王大樹給匾曰誠孝可
風

劉氏府庠廩生呂懋賞妻因姑病危割股以進姑
尋愈邑令王之衛獎曰閨幃純孝

梁氏澠池縣訓導馬綸錫妻其舅氏康熙乙丑進

愈每歲着單衣三冬後病篤欲食肉氏割股爲羹以進病大痊邑令王之衛旌之

孫氏張宏遠之母事翁姑至孝翁病沉痾氏割左股爲羹以進翁尋愈邑令旌曰誠孝格天

常氏王天樞妻十九歲于歸事翁姑以孝翁病飲食湯藥俱經身親目不交捷者十晝夜病篤割左肱肉以進翼曰乃瘳里人稱孝焉

李氏侯士訥妻姑節婦耿氏病革氏割股爲羹姑尋愈邑令王之衛旌曰貞淑繼美

趙氏王建中妻孝翁姑和妯娌敬夫子教子成名
年九十邑令王之衛旌曰金萱徵瑞

徐氏尹琰妻

楊氏陳肅妻事父母最孝于歸又善事舅姑姑患
病垂危氏割股爲羹病立愈年七十六歲康健不
衰人相傳爲精誠所感云

許氏李偉妻年二十二歲事翁姑至孝翁病甚危
氏焚香祝天割左股和羹以進翁病尋愈

杜氏趙希仲妻本農家女孝心純篤值舅病割股

賢婦

國朝乾隆年

閆氏王彬祖母賢聲遠播年八旬餘公舉德壽邑
令旌曰淑德遐齡

常氏武生孫開宗之母賢孝久著壽近九旬公舉
德壽邑令王大樹旌之

謝氏張堯臣妻樂善濟貧享年九旬子孫五世邑
令王之衛以瑤池人瑞旌其門

李氏徐家婦也家資頗裕凡遇親族鄉里之貧乏
者樂爲周濟邑令以閭幃向義旌其門

沙氏曹治美妻賢孝著聞年七十餘公舉德壽邑
令王之衛旌曰壺範古希

董氏劉光周妻克敦婦道家範肅睦子邦英早亡
媳李氏年方少最以節義卒以節聞氏年八十六
歲人以爲德之徵云

徐氏李之秀妻壽至九十八歲乾隆元年督學使
者張考旌表

王氏太學生牛星煌妻翁早世事姑極孝姑患癰
症積年不瘳氏曲意扶持籲天祈代伯少亡撫姪

無聞焯有二姊一妹家俱中落氏給以薪米衣物
歷久不衰有表戚隆冬生子家無升合氏爲製衣
饋食使母子得存其平生憐貧恤孤類如此卒年
七十里黨賢之

張氏候選州判務含珊妻性篤孝善色養能得翁
姑歡戚族中有貧乏者悉遺之衣帛餽以薪米俾
各得所後囊竭典簪珥以繼之畧無吝色生子本
業武延師十餘載氏脩饌修潔備極恭謹聞子勤
勵則欣然喜稍有惰玩卽痛懲之絕不以獨子稍

存姑息後子成進士任塘務因氏遺疾告歸氏叱之曰忠孝一也汝勤於王事吾心樂矣毋庸此爲也年逾古稀與珊猶相敬如賓長白敦叅軍知其賢以壺範德隆旌之

補入烈婦

趙氏何守仁妻十九歲于歸四載夫亡誓以身殉家人防護甚密度志不遂因強言笑值夫五七日乘間投繯閭邑公舉邑侯周璣以青年激烈矢志堅貞旌之

列女志下

節婦

明洪武年

黃氏名守貞史景泰妻子寔女也夫亡氏年尙少
姑憐之命改嫁不從守節終身撫其子諱爲肅府
長史其姊都給事楚銓妻亦以守節著舊志載二
黃氏云

鄭氏楚錫妻夫亡年二十三家貧子幼守節終身
奉旨旌表

宏治年

劉氏馮英妻夫亡年二十八守節朝暮詣墓所號泣雙目俱盲踰歲復開人咸異之

顧氏袁儒妻良醫顧亨女年二十七守節終身正德時旌

馬氏胡杲妻年十八適杲六歲杲亡守節終身正德時旌

王氏楚氏王氏孫質妻質卒其子廷器幼孤氏守節撫之娶妻楚氏生子方二歲器亡楚又奉孀姑

族長必欲嫁之氏不從族長怒毆傷左臂逼其斷髮自縊乃止嘉靖時旌

翟氏劉璫妻璫爲賈江淮間娶妻五歲而亡氏年二十守節終身

何氏劉鳳瑞妻夫亡年二十三守節撫子子亡又撫其孫茹苦五十餘年嘉靖時旌

馬氏劉哲妻夫亡年二十二遺腹纔六月既葬生子守節九十歲卒

正德年

耿氏宋惠妻夫亡年二十五遺腹越六月生子守節終身嘉靖時旌

顧氏趙永泰妻歸趙氏越三歲夫亡氏卽入室自縊家人解救得生姑勸始止未幾族人欲奪其志卽截左耳曰死卽死何忍更事他姓耳墮地躍者三左右皆無人色姑抱之大慟曰兒苦至是耶鄰里聞而憐之號爲一耳節婦楊少室爲之傳

杜氏李瑤妻瑤亡年二十二家貧子幼并日而食守節終身嘉靖時旌

後氏張元貞妻夫亡年二十二守節終身邑令旌之

韓氏杜彥章妻夫亡年二十五守節終身邑令旌之

嘉靖年

劉氏王尙進妻夫亡年二十一守節撫子子亡又撫其孫世節五十餘年萬厯時旌

黃氏郝璽妻璽亡年二十三子方三歲守節終身
趙氏彭鏞妻鏞亡年二十八守節終身兩臺匾獎

王氏蔡仁妻仁亡年二十二守節終身

李氏監生黃金錫妻錫授雲南維摩州吏目入覲行至沅州病卒遺男甲乙方二歲氏年二十七守節三十餘年甲乙成立爲邑諸生親赴沅州負父遺骸以歸人稱其母節子孝督學使者旌曰節孝雙全

王氏熊天錫妻夫亡年二十六家貧子幼守節終身

侯氏魏巾妻夫亡年二十五子未週歲守節終身

汝以生汝死吾無依矣氏許諾事姑孝養弗闕姑
亡去依母家紡績自給年七十餘卒姪中丞淮爲
文誄之

李氏庠生魏希仁妻夫亡年二十八無子念姑瞽
無依奉養終身邑令旌之

沈氏庠生何天柱妻夫亡年十九一女方生卽欲
身殉姑泣畱氏許之奉養病姑弗懈姑亡守節終
身邑令旌之

萬曆年

韓氏陳弋妻弋亡年二十一遺腹三月後生一子撫之守節終身兩臺匾獎

單氏贈翰林院修撰劉清源繼室中允理順母也清源卒理順甫彌月且家素貧紡績自給嚴課理順力學卒占巍科厥後闔門殉國皆奉母之遺訓云

賈氏同知閔立妻適立數年立卒年甫二十止生一子守節終身

李氏庠生劉中和妻蘭陽貴族女夫卒年二十七

無子女紡織餬口守節終身

岳氏彭氏岳氏監生劉應和妾應和卒年二十守節撫子士佳入庠子亡又與其婦彭氏同撫其孫兩世苦節邑令旌之

張氏徐洗妻同知鳳習女洗亡氏年二十守節終身奉旨建坊旌表

王氏郭尙禮妻夫亡年二十一撫子守節毀形見志奉養翁姑以終其身邑令兩旌

李氏庠生馬高攀妻攀卒年二十八家貧守節日

勤紡織以給子孫力學厥後科第繼登人謂苦節之貽云上臺獎之

宋氏庠生馬之驊妻驊卒年二十五子頤三齡氏念孀姑在堂遺孤尙幼矢志守節奉姑甘旨弗闕訓子有義方邑令旌之

天啟年

孟氏進士潘士秀繼室士秀卒於官氏年二十二守節先是士秀婢有孕已出之未幾生男氏思延潘氏一脈百計贖歸以養士秀宗祀人皆義之

呈氏余甫月餘至甫月三十一日

崇正年

李氏庠生劉士裔妻通許貴族女適士裔常勤紡績以佐攻苦夫亡撫二子守節俄丁寇亂提攜幼子崎嶇兵革間卒保無恙歸家節儉自持嚴課二子成立邑令旌之

陳氏庠生何印參妻夫亡子幼年饑無依攜子避難他方崎嶇兵亂茹苦四十餘年撫子成立邑令旌之

杜氏庠生侯綿祚妻夫亡守節壬午寇亂抱子避

難常藏利刃相隨或坐井邊謂其子曰脫寇至吾
將畢命此中亂定旋里年荒穀貴奉孀姑甘旨弗
闕課子世貞卒爲睢庠佳士邑令旌之

蘇氏庠生湯濬發妻夫亡無子矢志守節時丁寇
亂常負姑避難山谷賊至人皆匿氏獨守病姑不
去賊義之遺以錢米相戒勿犯邑令旌之

劉氏閭符古妻夫亡年十九守節至八十卒邑令
旌之

張氏馬其宣妻寇亂氏隨其夫避兵河朔夫歸遇

科邑令旌之

李氏黃文妻夫亡年十九毀容守節邑令旌之

陳氏曹宗賢妻年二十九撫孤守節

王氏監生侯應瓚繼室年二十七守節

徐氏庠生邊光世妻年二十三守節

蘇氏庠生許訥陞妻年二十一守節

徐氏林廷屏妻年二十七守節

甯氏馬維馴妻年二十一守節

索氏段俊妻年二十五守節

陳氏蔡長春妻年二十七守節

趙氏董詔妻年二十三守節

田氏彭壘妻年二十六守節

郭氏黨崇妻年二十六守節

霍氏喬南登妻年二十一守節

白氏蒲學講妻年二十六守節

宋氏李師泌妻年二十守節

曹氏劉蓉妻年二十三守節

徐氏監生侯應玠妻

翟氏翟永寧妻

高氏張有爲妻

侯氏張元正妻年二十二撫孤守節四十餘年

國朝康熙年

潘氏庠生馬之驥繼室明季夫卒年二十八所生子女尙幼氏守節撫之並撫夫前子如已出三子成立膺歲薦康熙十二年奉

建坊旌表

李氏劉河妻明季夫亡年二十四守節撫子應寧

考選經歷奉

旨建坊旌表

林氏庠生馬顓妻年十七適顓三年顓卒氏欲身
殉時有遺腹數月父母勸止曰爾獨不爲爾夫地
乎脫生非男當從爾志因矢志守節果生一男名
曰延延顓一脈也後翁因哭子喪明氏奉養每膳
必自經手及析產翁憐其孤孀且延較諸孫頗長
欲畀上分氏力卻之延稍長力學有異才中丁卯
副車准貢氏念延未識父面嘗自痛悼曰今而後

旨建坊旌表

劉氏庠生侯兆中妻順治時中亡年二十三守節
謹視翁疾歸葬姑櫬撫子成立歷三十三年卒奉

旨建坊旌表

田氏馬顥妻夫亡無子取猶子爲繼氏撫養成立

康熙三十二年奉

旨建坊旌表

杜氏庠生徐廷召妻夫亡欲以身殉姑諭以子在
襁褓若失撫養爾夫死不瞑目氏乃忍死奉親撫

孤守節四十餘年康熙三十二年奉

旨建坊旌表

閭氏舉人徐永嗣妻夫亡矢志守節延師教子長子準領鄉薦次子阜爲庠生節歷三十年康熙三十三年奉

旨建坊旌表

吳氏庠生侯希曾妻夫故以舅姑在堂忍死奉事姑善病氏持齋十年祝延壽考及遭變憤終追遠悉如禮撫嗣子成立康熙四十八年奉

四十四年康熙四十八年奉

旨建坊旌表

靳氏朱炳妻夫故年十六事親撫孤守節四十八年康熙五十年奉

旨建坊旌表

耿氏庠生馬頤妻夫亡年二十八欲以身殉翁姑泣曰吾二人衰老汝子尚幼汝死何依氏忍死守志歷三十年康熙五十年奉

旨建坊旌表

潘氏孟永煊妻夫亡事親撫孤守節四十五年康熙五十一年奉

旨建坊旌表

程氏王國柱妻夫亡年二十三事親撫子守節三十年康熙五十一年奉

旨建坊旌表

馮氏邵遊觀妻夫亡年二十三守節三十年康熙五十一年奉

旨建坊旌表

邑建坊旌表

田氏李氏秦昂妻孝廉我稷女昂卒年二十一子維世方二歲氏守節撫之入庠維世復夭其妻李氏年二十三與姑同撫孫禔兩世孤孀形影相弔荼苦備嘗至禔舉進士田年已八十李卒已六十邑令旌曰一門雙節

蘇氏庠生劉士昆繼室明季寇亂同夫奉孀姑避難河朔夫亡氏年二十八子咸尙幼氏曰姑及夫靈柩未歸而已以身殉是委遺骸於草莽也且幼

子在抱誰與撫之因矢志守節負二遺骸歸葬時
值兵荒紡績自給卒教子咸登科邑令旌之

黃氏庠生潘朝仰妻順治時夫亡氏年少無子卽
日投井家人解救得生矢志守節獨居一室終身
蓬垢紡績度日父母欲奪其志峻拒之其兄潛許
某爲妻約日舉行氏覺剪髮號泣欲自殺事遂寢
邑令旌之

席氏庠生劉天爵妻夫亡二子尙幼矢志守節課
子成立邑令旌之

奉養孀姑以孝聞
蘇氏李準妻準亡年二十二家素貧日勤紡績以養舅姑人稱其賢邑令旌之

魯氏劉氏馬應麟妻妾也夫亡子幼同心撫之中更兵饑嫡妾相依節操不渝順治時邑令旌曰一門雙節

趙氏曹岫雲妻夫亡年二十七守節終身邑令旌之

張氏袁鼎新妻夫亡年二十一守節邑令旌之

張氏庠生劉士衡繼室年十五適衡時孀姑在堂

丁寇亂扶姑避難流離之際曲盡孝養姑老食減
輒調乳食之衡亡氏年三十無子矢志守節撫前
子三人如已出俱成立入庠季子炫乙卯鄉科節
歷四十餘年邑令旌之

王氏劉詵妻詵少卿時用裔也平日清癯善病氏
年十七適詵甫二歲詵亡一慟幾絕時子生方六
月翁姑責以撫孤大義強之飲食氏乃誓天守節
蓬垢自持事翁姑極孝凡家政皆自理之賢聲遠
播里中公舉賢孝邑令旌之

董氏王麟妻夫亡年二十三矢志守節奉姑以孝
聞念生母無子供養終身教子以義方撫諸孫成
立歷四十八年邑令李繼烈旌曰節孝可風
張氏高遇明妻夫亡年二十七時下流寇之難辛
苦萬狀事親撫子卒全貞操節歷五十五年邑令
李繼烈旌之

李氏劉維漢妻夫被盜害氏哀痛幾絕念有遺腹
忍死守志事孀姑撫二幼叔辛勤作家歷五十二
年邑令李繼烈旌之

劉氏王制辛妻生員劉燦女夫故矢志守節邑令
李繼烈旌之

甯氏生員馬呈健妻守節五十七年壽逾八旬邑
令李繼烈旌之

吳氏孫復泰母自二十八歲守志歷六十六年壽
九十四歲邑令李繼烈旌曰節孝兼貞

高氏任養智妻守節四十年邑令李繼烈旌曰坤
德幽貞

武氏生員秦宏妻夫亡守節奉衰翁以孝撫襁褓

終身邑令謝天植旌曰荻影霜清

任氏張氏趙家婦也任氏夫亡撫孤守節子又早
亡婦張氏相與共守稱雙節焉邑令謝天植旌之
李氏吳廣印妻守節三十三年邑令謝天植旌之
李氏王化普妻夫亡無子矢志守節自執爨扶櫬
以葬其翁夫族無可承繼者取異姓子爲後遇姑
喪率嗣子殯葬悉如禮且多義舉曾殯殮其從祖
及祖母有再從叔翁死氏典衣爲贖其棺並葬其
孀母又有再從叔翁年老無子氏願奉養以終邑

令謝天植旌曰節孝可風

李氏吳氏張四端妻李氏夫故奉翁姑撫幼子子
又早亡遺媳吳氏三女無子慕乃姑之節相與共
守邑令謝天植旌曰雙貞比玉

李氏生員侯體鼎妻夫故姑逾七旬子甫二歲矢
志守節仰事俯畜歷三十年邑令謝天植旌之

劉氏蒲質睿妻夫亡年二十守節二十九年府尊
旌曰節孝可風

王氏朱氏唐登第妻夫故年二十八歲守節撫孤

三十九年子書玉媳朱氏爲姑病則設會苦東

劉氏武生孟宏緯妻夫早亡守節終邑令謝天植旌之

徐氏生員孟罔騏繼室年二十夫亡子幼且遭荒亂堅志守節妾張氏舅姑惜其年少無子女勸令改適張泣曰我去誰與徐氏同心撫孤亦矢志堅守百折不回邑令旌其雙節

夏氏生員楊天祿妻夫亡舅姑相繼棄世遺孤三歲撫養成立守節三十餘年邑令旌之

葉氏夏永昇妻夫亡年二十六事親撫孤歷四十

七年邑令甯佑旌之

孫氏楊毓彩妻年二十七夫故矢志守節八十三
卒邑令甯佑旌之

陳氏生員許閭妻夫亡年二十八守節三十餘年
邑令甯佑旌之

尹氏賈符妻夫故年二十八守節三十八年邑令
甯佑旌之

秦氏劉忠嗣妻守節三十餘年邑令甯佑旌之

朱氏王瑞妻夫亡年十八矢志守節邑令甯佑旌

邊氏李長植妻二十二歲守節上事孀姑下撫幼子歷四十餘年邑令甯佑旌之

朱氏庠生孟子傳妻夫亡子幼矢志守節後丁荒亂攜子歷險避兵卒保無恙子永顯後登鄉科

蕭氏廩生袁大猷妻康熙初夫病劇氏割股以療遂愈子女及婢不知也次年春夫病復作易質時氏因出刀痕以示衆始驚咤夫亡守節課諸子成立以武科發跡

張氏聶成名妻夫亡年二十六守節後丁荒亂有

伯翁棄骸他鄉者氏督其子昇之歸葬人皆義之
王氏侯體比妻夫亡年二十止生一女矢志守節
家長數逼嫁不從毀容見志戚族敬而憐之

徐氏經歷孟紹商妻年二十七夫亡有欲奪其志
者引刀斷鼻以自明氏無子撫側室所生子駉駉
如已出卒能嚴課入庠保全家業

李氏劉維翰妻夫亡於寇年二十四有遺腹生子
守節終身

孫氏庠生劉士毅妻夫亡子幼守節四十餘年

王氏梁國相妻

孟氏庠生江完妻

張氏吳淵妻

楊氏庠生馬呈升妻

郭氏馬呈恒妻

孟氏馬繼隆妻

陳氏吳泮妻

秦氏周大觀妻

雍正年

列女志下

七

朱氏王鶴齡妻夫故氏欲身殉水漿不入口三日
投環至再母喻以公姑年老夫嗣未立氏乃忍死
守志孝事公姑取宗族之賢者爲夫後值姑病革
焚香祈代有從兄嫂貧老氏給田三十畝及死爲
買棺殯殮母家有姪女三歲失恃氏撫養如己女
守節四十年雍正三年奉

自建坊旌表

楚氏李竹芳妻夫亡年十九守節四十九年雍正

三年奉

仰事俯育歷四十九年雍正三年奉

曰建坊旌表

趙氏監生姬敬聖妻夫故年二十誓欲從死水漿
不入口數日轉念二子皆幼忍死撫育終皆成名
守節四十一年雍正三年奉

曰建坊旌表

孔氏王宗堯妻夫故年二十六矢志守節奉翁撫
孤歷二十四年雍正四年奉

三建坊旌表

侯氏庠生馬萬妻夫亡年二十二矢志守節艱辛
萬狀歷二十九年雍正四年奉

曰建坊旌表

王生員潘汝楫妻夫亡年二十七事孀姑撫幼
子苦節三十五年雍正六年奉

曰建坊旌表

楚氏王之俊妻十八歲夫故矢志守節俊病時以
孀母孤子爲托氏常念夫言奉養鞠育不遺餘力
守節三十年雍正六年奉

孤苦志守節四十年雍正六年奉

旨旌表

蘇氏劉起妻二十二歲夫亡遺孤三歲氏撫養成
立守節四十二年雍正六年奉

旨建坊旌表

林氏侯世則妻夫故痛哭不食死而復甦者再姑
諭以一歲孤兒無依始忍死撫育子復夭折取猶
子爲嗣教育成立姑歿殯葬悉如禮守節二十九
年卒邑令旌曰炳節如星雍正七年奉

旨建坊旌表

李氏莫之瑤妻二十二歲守節歷三十三年撫遺孤成立雍正七年奉

旨建坊旌表

周氏生員潘汝韓繼室夫亡年二十五投繯欲殉以救免家人諭以孀姑年老夫嗣未立忍死奉姑取猶子爲後教以詩書膺鄉薦守節三十二年雍正十年奉

旨建坊旌表

旨建坊旌表

郭氏朱士麟妻夫故年二十二矢志守節奉親撫孤紡績以供甘旨辦修儀以詩書教子孫孫太樸已酉登賢書皆氏教育之力守節五十三載雍正十一年奉

旨建坊旌表

楊氏馬于寬妻夫亡年二十六事姑孝取姪承嗣
歷三十六年雍正十一年奉

旨建坊旌表

孟氏徐德妻二十三歲夫亡矢志守節奉公姑以孝聞教孤子以義方痛邱嫂早世撫幼姪如己子脫簪珥償舅氏逋負皆婦人所難守節四十五年雍正丁巳年奉

旨建坊旌表

周氏陳瑄妻夫亡年二十七欲以身殉念孀姑垂老孤子尙幼忍死守志事親撫孤無弗盡力屏丹鉛甘樸素操作勤儉家業日增姑病革祝神願以身代姑尋愈及以壽終慎終追遠皆如禮教子成

孟氏庠生馬郊妻年二十五夫故誓死相從娣姒
勸以舅姑年老夫嗣未立氏忍死奉親克盡婦道
取從姪承嗣教以義方守節三十餘年雍正十一
年奉

旨建坊旌表

周氏李灝側室闔邑公舉節壽賢媛邑令甯佑旌
獎

趙氏蔡氏安恭妻趙氏子可綬妻蔡氏稱雙節邑
令甯佑旌之

李氏周貴妻年九十餘公舉節壽邑令甯佑旌之
邊氏李化鳳妻年二十六夫亡遺孤三歲守節四
十二年邑令陳賁懿旌之

潘氏湯璠繼室夫故年二十七事親撫孤歷四十
三年邑令陳賁懿旌曰節挺貞松

董氏生員張絜妻夫故年二十八守節紡績辦修
儀教子讀書入庠邑令旌之

梁氏歲貢生楊聖訓妻守節撫孤年逾八旬邑令
陳賁懿旌曰節敦上壽

矢志守節家素貧寒以紡績度日上事孀姑下撫諸子史守四十五年王守三十年邑令陳賁懿表其雙節

郭氏生員侯世翼繼室夫亡翁姑垂老氏矢志守節事翁姑養生送死悉盡禮撫前子成立歷十六年身故邑令陳賁懿旌曰高行可風

譚氏周氏湖廣守備李方坤之妻妾也坤征吳寇陣亡譚周共凜冰霜節歷五十年壽俱八旬餘邑令陳賁懿旌其門曰冰蘖雙清

郭氏生員莫之珮側室夫亡二十四歲守節三十年邑令陳賁懿旌之

朱氏陳氏朱氏生員聶助明側室陳氏助明嗣孫寬妻俱守節終身邑令陳賁懿旌曰兩世同操

韓氏監生張乾元妻邑令陳賁懿旌之

黃氏閭升龍妻邑令陳賁懿旌之

紀氏貢生林祚昌繼室守節終身邑令陳賁懿旌之

林氏李養氣妻守節五十年邑令陳賁懿旌之

趙氏李尙仁妻守節撫孤歷四十九年邑令陳賁
懿旌之

魏氏監生吳沛之母也自十九守節歷三十八載
邑令陳賁懿旌曰冰霜砥節

湯氏左振朝妻邑令陳賁懿旌之

張氏文璟妻夫亡年二十五守節四十六年撫遺
腹子成立邑令陳賁懿旌之

劉氏林琮妻夫亡年十八守節四十七年邑令李
岱生以蕙質冰心旌之

石氏呂三壽妻二十五歲夫故事親撫孤壽八十
七歲公舉節壽邑令李岱生旌之

張氏丁氏國子監學錄李睦子婦長子滋繼室張
氏季子漢元配丁氏皆自青年矢志皓首完貞稱
一門雙節邑令李岱生旌之

趙氏李氏劉岳基妻趙氏結褵二載夫亡矢志守
節生遺腹子琬撫養成立娶李氏結褵七載琬亡
李氏亦以節著邑令李岱生表其雙節

侯氏蘇夢雷妻生員運盛女幼聰慧解詩書識內

子親教詩書及長爲延名師彪入庠食餼旋登賢
書中會副授伊陽教諭節厯四十餘年邑令李岱
生旌曰節著坤儀

李氏毛宣妻守節三十一年邑令李岱生旌之
左氏屈天成妻邑令李岱生旌之

王氏張所嚴妻夫亡年二十八守節三十八載教
嗣子長成入庠邑令王履仁旌曰松筠勁節

許氏生員劉忠珙妻自二十八歲矢志節厯三十
年邑令王履仁旌之

潘氏張錫疇妻夫亡年二十四守節二十六年邑
令王履仁旌之

乾隆年

孟氏劉崧基妻中書宏懋女夫亡年二十八遺孤
方九月忍死守志奉公姑以孝聞及歿鬻產以襄
葬事是時王姑猶在氏倍加孝敬教子以詩書入
庠食餼歷三十八年乾隆元年奉

旨建坊旌表

李氏韓化遠妻二十一歲夫故守節五十三年撫

孫氏江九疇妻夫亡年十八誓以身殉舅姑勸慰
始舍易就難孝事二人取猶子爲己子守節五十
九年乾隆元年奉

旨建坊旌表

李氏黃恩妻二十九守節奉公姑孝養並至撫孤
子成立歷四十八年乾隆元年奉

旨建坊旌表

陸氏張侃妻夫亡年二十二遺孤甫五月欲自縊
以姑命撫孤矢志堅守子復夭取姪爲繼歷三十

年乾隆二年奉

旨建坊旌表

惠氏監生李千尋繼室十九于歸一載夫亡越三日生子紹曾姑以哭子病癡卽家人弗識氏有叔翁與其子若孫皆強橫託言管業寔肥己濫費蓄積盡繼以鬻產族人皆莫敢睥睨致氏日不再食冬無重衣且數謀害其子氏恐怖恒竟夜不寐親族佃嫗憐氏苦節共相保護後叔翁雙督子孫盡亡而遺孤漸成立矣氏奉病姑艱辛中委曲周至

周卹迂至家爲親調藥餌人皆義之守節三十四年乾隆二年奉

旨建坊旌表

朱氏趙雲龍妻夫故年二十七絕粒欲殉因公姑垂老遺孤尙幼舍易就難事親以孝聞教子允昌成立生兩孫長森次斌吏員氏皆教以義方延師就學守節三十四年乾隆二年奉

旨建坊旌表

張氏龔成名妻二十一歲夫故矢志守節孝事孀

姑及歿鬻簪珥以葬撫遺孤成立歷五十八年卒
乾隆二年奉

旨建坊旌表

于氏賈維池妻年二十七夫故守節五十三年乾
隆三年奉

旨建坊旌表

侯氏楚安坦妻夫亡年二十三矢志守節取姪爲
後教育成立歷三十年邑令石之憲獎之乾隆三
年奉

織紵事親撫孤親亡殯葬如禮教子枚領袖膠庠
歷二十餘年邑令石之憲旌曰節孝可風乾隆三
年奉

旨建坊旌表

林氏劉鑄妻夫亡年二十四守節以奉公姑克盡
婦道取姪爲嗣歷四十八年乾隆三年奉

旨建坊旌表

黃氏林廣立妻年二十夫故矢志守節孀姑善病
氏奉湯藥久而益勤姑歿脫簪珥以襄葬事取姪

承嗣恩義兼至撫育成立乾隆三年奉

旨建坊旌表

李氏生員侯世鏐妻夫故年二十七志欲捐生姑
勸以死易守難當勉爲難者始忍死奉親撫孤紡
績以辦脩脯命子淳就外傳氏不時偵訊學成入
庠皆氏教育之力節厯五十七年壽八十三歲卒
乾隆三年奉

旨建坊旌表

時氏徐侗繼室夫亡無子取猶子爲後自二十守

許氏戴玫妻夫亡年二十三翁姑年逾七旬孤子
中幼民事親撫孤歷三十四年乾隆三年奉

旨建坊旌表

張氏蒲質美妻夫亡年二十五姑逾八旬氏紡績
奉養取姪承繼守節三十五年乾隆三年奉

旨建坊旌表

周氏生員任子吳繼室夫亡矢志守節奉翁姑撫
幼子子亦早亡婦與共守歷三十八年乾隆四年
奉

旨建坊旌表

劉氏張鼐妻夫亡年二十六志欲捐生親族勸慰
始忍死奉翁姑取姪爲繼撫育成立歷三十七年
乾隆四年奉

旨建坊旌表

李氏府庠生耿耕妻夫亡年二十三事姑撫子苦
志守節歷五十年次子琳之以明經授浙川訓導
乾隆四年奉

旨建坊旌表

乾隆五年奉

旨建坊旌表

董氏張文元妻夫亡年二十二矢志堅守事翁姑
以孝聞取猶子以後其夫節歷三十八年乾隆五
年奉

旨建坊旌表

徐氏監生宋典妻年二十七夫故矢志守節孝事
舅姑取猶子承嗣教育成立歷三十年乾隆五年
奉

旨建坊旌表

李氏韓今舉妻年十九夫亡奉翁姑以孝聞取猶子爲繼教育成立守節三十五年乾隆七年奉

旨建坊旌表

楊氏趙灼妻夫亡年二十三志欲捐生爲姑逾七旬子未週歲仰事俯育苦節三十四年乾隆七年奉

旨建坊旌表

范氏杜上林妻二十四歲夫故忍死爲守節奉公

班氏李貞妻夫故年二十七無舅姑可依遺孤甫五歲依叔父母守之事之如舅姑撫子成立歷五十五年乾隆八年奉

旨建坊旌表

郭氏聶大訓側室夫亡矢志守節教育孤子渡成立入庠食餼節歷三十六年卒乾隆八年奉

旨建坊旌表

徐氏劉鈿妻夫亡年二十五以翁姑垂老無依忍死奉養取猶子爲繼歷四十六年卒乾隆八年奉

旨建坊旌表

劉氏趙運昌妻二十六歲守志事親撫孤歷三十八年乾隆八年奉

旨建坊旌表

李氏田坦妻夫亡年二十五以孀姑垂老遺孤尙幼忍死爲守奉親以孝聞教子成立歷三十二年乾隆八年奉

旨建坊旌表

李氏秦祁妻年二十五夫亡上有翁姑身懷遺腹

八年奉

自建坊旌表

賈氏朱克榮妻年十七于歸結褵三載夫亡矢志
守節上奉公姑下撫嗣子茹荼飲冰歷艱辛三十
四載乾隆十年申請題旌

李氏孟必祿妻年二十六夫故遺孤甫週歲氏矢
志撫養孝事翁姑愼終追遠悉如禮不幸子殤取
猶子承繼守節三十一年乾隆十年請題旌表

潘氏李氏郝鳴臯妻潘氏年二十一夫亡守節四

十八年子上林妻李氏年二十二夫亡守節四十四年稱一門雙節乾隆十年申請題旌

黃氏吳中柱妻夫亡年二十九忍死撫孤守節終身乾隆十年請題旌

李氏王命召妻夫亡年二十九無子取姪承繼撫

孤守節茹苦四十四年卒乾隆十一年請題旌

翟氏劉氏翟氏王瑞妻瑞亡其子是歲亦殤氏年二十四取姪承嗣事姑守節瑞弟珩死於水其妻劉氏年亦二十四因有孕不忍死後生子名遺生

撫弱息茹苦終身乾隆十年申請題旌

郭氏汪子明妻年十八于歸結褵十載生一子夫
亡哀毀絕粒欲以身殉姑勸以大義乃忍死養親
育子紡績度日守節五十二載乾隆十年申請題
旌

李氏張引科妻夫亡氏年二十八因親老子幼養
親撫孤茹苦三十四載乾隆十一年奉

旌表

王氏賈棟妻夫故氏年二十八孝事公姑撫養嗣

子守節三十餘年申請題旌

喬氏年十六適魏之亶爲側室敬夫姑善事嫡教
子成名守節三十七年乾隆十一年題請旌表

蔡氏張鵬翰妻結褵三載夫亡維時氏年十九撫
孤教以義方旋以韜略入庠皆氏節孝之所訓也
乾隆十二年巡撫顧 題請旌表

裴氏張元妻二十一歲夫亡一子一女苦志守節
於乾隆三十八年業經旌表

白氏儒童林琛妻二十九歲夫亡乾隆十二年題

潘氏趙宣啟妻二十六歲夫亡守節三十七年乾隆十三年奉

旨建坊旌表

朱氏路生有妻二十六歲夫亡守節四十二年乾隆十三年奉

旨建坊旌表

王氏李輅妻二十一歲夫亡守節三十六年乾隆十四年奉

旨建坊旌表

孫氏李國柱妻二十八歲夫亡守節四十一年乾隆二十二年奉

旨旌表

徐氏魏于魯妻二十一歲夫亡守節三十一年乾隆二十二年奉

旨建坊旌表

李氏曹中新妻二十四歲夫亡撫育孤子至七十歲乾隆二十四年奉

旨建坊旌表

旨建坊旌表

吳氏趙崑汴妻二十四歲夫亡無子事孀姑以孝聞撫嗣子如已出及嗣子夫婦少亡遺孤數歲又撫成立乾隆三十四年奉

旨建坊旌表

劉氏何鶴齡妻夫亡年二十三守節四十二年邑令王履仁匾獎曰操凜清霜

羅氏王陶齡妻夫亡年二十二矢志守節取族姪爲嗣教育無異已出厯五十年邑侯王履仁旌表

高氏馬士祥妻自二十二歲矢志節歷三十一年
邑令王履仁旌表

閻氏秦禕繼室夫亡年二十八事公姑以孝著撫
前子如已出歷五十五年邑令王履仁旌表
李氏馬燮妻自二十六歲守志事親撫孤紡績度
日節歷三十年邑令王履仁旌曰節孝維風

袁氏李珍妻自二十守志歷三十八年事姑撫子
不愧婦德母儀邑令王履仁旌表

李氏畢天成妻夫亡年二十七守節三十四年邑

防護姑忍死守志惟恐傷老翁心偕姊妹強爲言
笑常恨未覩亡姑之面祭盡其誠曾受壺範於外
家誦習不厭守節四十年卒邑令王履仁旌之
宋氏劉應選妻夫亡年二十三守節四十七年邑
令王大樹旌之

張氏楊國祚妻夫早亡守節四十年學憲張考旌
曰松筠比節

鄭氏秦景賢妻夫亡年二十六事舅姑撫孤子歷
三十九年邑令王大樹旌曰撫孤完節

何氏劉澤源妻結褵四載源亡氏年二十以公姑
年老子南松方二歲乃忍死奉養公姑訓子成立
入庠歷節三十餘年邑令許佩璜旌之

邊氏馬繼遂妻夫亡年二十九投環欲殉以救未
遂念舅姑未葬夫嗣未立取姪撫育成立守節四
十五年邑令王大樹旌曰苦節完貞

袁氏梅永慶妻夫亡無姑可依子尚幼歸母家守
志紡績以養哀翁歷三十年邑令許佩璜旌曰節
孝可風

侯氏徐觀史妻自二十守節歷五十餘年學憲給
匾曰節茂松筠

王氏郝氏王生員張克良繼室良卒子方一週
氏年二十三矢志撫孤越三載子殤取胞姪戕承
嗣娶郝氏戕復夭郝氏年十九欲自縊念孀姑無
依乃忍死奉養兩嫠相弔荼苦備嘗邑令王之衛
旌曰一門雙節

孔氏徐扶妻年二十九夫亡無子欲以死從念孀
姑無依忍死奉養取姪爲繼邑令王之衛旌之

何氏林序妻夫亡年二十五孝事孀姑教育孤子
紡績度日茹荼四十餘年邑令王之衛旌曰節嫗
松筠

郝氏耿爾介妻夫亡年十八無子奉事公姑定省
不懈五十餘年公姑卒殯葬畢乃曰今而後可見
吾夫於地下矣自是彤影慘悽三年孝滿而卒邑
令王之衛旌曰苦節尤難

李氏監生張天彩妻際公姑病氏拜斗持齋剖膚
求愈公姑皆尋瘳夫故子宏元尙幼守節撫之成

喬氏劉氏喬氏王克己妻夫亡年二十二無子欲
以身殉緣公姑未葬取姪承嗣守節終身劉氏克
己姪宗孔妻也結褵九載孔亡亦無子氏年二十
五投繯自縊家人解救勸以孝親大義乃忍死守
志取姪承祧教以義方一門雙節邑令王之衛旌
之

鄭氏李箕妻夫亡年十七無子誓以身殉因公姑
在乃忍死奉養代夫盡禮公姑繼歿取姪喬年爲
嗣極力殯葬曰大事完矣五十五歲卒邑令王之

衛旌曰勵節全貞

邵氏穆國柱妻夫亡年十六欲以身殉因有遺腹
忍死以待逾五月生子名馴撫養成立入庠守節
四十九年卒邑令王之衛旌曰苦節奇貞

聶氏年十八適徐顯益爲妻結褵三載益故欲以
死從念子方一週矢志守節越數年子殤取姪承
嗣紡績度日撫養成立學憲旌曰義重蘭閨

張氏劉澤洪妻十七于歸越二載夫亡無子欲自
縊以公姑年老忍死奉養取姪樹檜承嗣茹苦三

七十八歲卒邑令王之篤旌曰節茂松筠

楚氏鄒啟孟繼室夫亡氏年十九遺孤甫十月家
無寸土氏矢守紡績度日翁老且病繼姑悍甚以
氏夫非所出待氏嚴苛無容身地氏百折不回卒
全節操翁姑逝殯葬皆竭力盡禮待前女如已出
教子務本力農歷四十年邑令王之衛旌曰柏舟
勵操

王氏劉元正妻歲貢生王勳女夫亡年十八志欲
捐生以舅姑在堂夫嗣未立忍死守志奉親以孝

聞慎終追遠悉如禮取猶子爲繼不幸夭折又取姪孫榮嗣承重自二歲撫養成立教以詩書早入膠庠守節四十八年卒邑令王之衛旌曰節孝儀型

田氏鄭廷障妻夫亡年二十七矢志守節事衰姑撫幼子歷三十六載學臺張考旌曰節孝無虧

王氏張志儒繼室年二十七夫故孤子崇雅甫三齡矢志守節奉翁姑以孝聞教子以義方家道日興學憲張考旌曰節孝昌後

孟氏何炳妻夫亡年二十二守節四十餘年學憲

許氏馬遷妻自二十四歲守志奉翁姑以孝稱節
歷三十年邑令王之衛旌曰節孝可風
劉氏監生侯元極妻夫故年二十二誓以身殉絕
粒數日舅姑諭以二老無依承祧未定始忍死守
志孝奉雙親取姪千爵爲後教育成立入庠歷四
十四年邑令王之衛以節孝聞範旌之
江氏韓邦楷妻夫故三日不食志欲捐生轉念苦
姑在堂弱子在抱矢志守節養親撫子歷三十八
年一堂四世邑令王之衛旌曰奇貞綿祚

李氏張氏生員侯會曾妻妾夫故李年二十九張
年二十二皆無子張有一女相與同守取猶子爲
繼歷三十餘年邑令王之衛旌曰柏舟共矢
潘氏樊氏章氏張錫疇妻潘氏其子登瀛妻樊氏
其姪登衢妻章氏皆自青年矢志皓首完貞稱一
門三節焉邑令王之衛旌表

蔡氏方周妻夫亡年二十七堅志守節撫孤成立
歷四十六年壽七十有三邑令王之衛旌之

何氏江咸妻夫亡年二十七守節三十年學憲旌

旬子方二週忍死孝姑育子茹苦三十餘年邑令王之衛以懿節流輝旌之

楊氏毛之福妻夫故年二十四痛欲捐生念翁姑垂老身懷遺腹忍死爲守越四月生子撫養成立
歷四十九年卒邑令主之衛旌表

何氏段雲鷗妻夫亡年二十七矢志守節家無產業公姑皆歿依母家兄嫂以撫育孤子艱辛備嘗
歷三十四年邑令王之衛旌曰節堅金石

楊氏焦河妻夫故年二十四絕粒數日誓死相從

賴母勸慰始忍死堅守紡績度日荼苦備嘗歷三十二年邑令王之衛旌曰閨閣完人

邵氏林禹秀妻夫亡年二十六無子並無可取繼者氏矢志守節紡績以奉公姑養生送死以婦代子歷三十二年邑令王之衛旌曰節孝兩全

陳氏王遴妻二十七歲夫亡矢志守節事孀姑養生送死悉竭力教三子以義方長子懷玉膺歲薦歷五十四年卒邑令王之衛以柏操可風旌之

武氏李貴敬妻夫亡守節四十餘年邑令王之衛

喪夫矢志共守歷四十餘年曾因姑病割股邑令王之衛以節孝可風旌其門

郭氏張瑞之妻二十三歲夫故姑逾七旬子在襁褓家無恒產艱辛萬狀氏午夜紡績獲時拮据穠仰事俯畜歷六十四年壽八十有七子孫繩繩五世一堂邑令王之衛旌曰奇貞獲報

張氏侯光緒妻夫故年二十九矢志堅守奉翁姑以孝聞慎終追遠悉如禮教三子成立操作勤儉產業日增歷三十三年邑令王之衛旌曰瑤池古

雪

黃氏徐克錫妻年二十五夫亡無子一痛幾絕三日不食欲以死從但慮翁姑無依二女在抱忍死爲守家極貧紡績以供甘旨鬻簪珥以營葬事撫嗣子成立歷四十九年卒邑令王之衛旌曰冰霜苦節

孫氏王煥文妻夫亡年二十一矢志守節奉親克孝取姪爲繼撫育成立歷五十四年邑令王之衛旌之

邑令王之衛旌曰節孝兩全

林氏劉永睿妻夫亡年二十二事親撫孤守節四十七載操作勤儉家厝增教子孫以詩書邑令王之衛旌曰節壽可風

馮氏韋伋妻守節四十五年邑令王之衛旌曰苦節完貞

吳氏庠生侯統曾妻夫亡年二十九憤欲捐生娣姒勸以代夫奉親撫子始忍死爲守奉姑嫜色養兼備撫遺孤成立教以義方守節三十七年邑令

王之衛旌曰柏舟雅操

楊氏監生張瑀妻二十九歲夫亡投繯欲殉家人
解救勸以公姑年近八旬遺孤甫一週賴氏忍死
守志孝養備於昔時執喪盡哀盡禮撫子成立名
列成均厯三十三年邑令王之衛旌曰懿行可風
王氏韓偉妻夫亡年二十八欲以死從念雙親垂
老忍死守志養生送死無弗竭力撫子成立入成
均有再從姪六歲失怙恃氏憐而畜之及長爲授
室給地五十畝以爲業守節五十八年壽八十一

以孝聞前子夫婦早世所遺一孫氏撫育如己出
三子皆教以義方歷五十一年卒邑令王之衛旌
曰守節全貞

趙氏邵秉倫妻結褵未三月夫亡氏年十九絕粒
欲殉因念舅姑垂老夫嗣未立忍死奉親逾十載
取姪承繼教育成立歷四十六年邑令王之衛旌
曰節孝兩全

張氏莫嵩妻夫亡年二十六舅姑垂老子未週歲
氏忍死守志以仰事俯育子復夭折取猶子爲後

教育無異已出節歷四十一年邑令王之衛以柏
舟媲美旌之

趙氏楊登第妻年十九夫亡無子誓以身殉念公
姑乏嗣乃忍死奉養並勸公娶妾及娶陳氏未生
子姑亡取堂姪瓚承嗣撫之成立後陳氏生子方
六歲陳氏亦亡氏復勸公娶繼室越數載公以壽
終氏盡哀盡禮邑令王之衛以完貞全孝旌之

耿氏黃位西妻年二十九夫亡無子守節終身邑
令王之衛以孤芳獨標旌其門

史氏馬千軍妻年十九夫亡氏矢志守節事霜姑

外霜勵操

耿氏侯施政繼室夫亡年二十八子在冲齡家貧如洗氏撫孤守志艱辛備嘗歷三十載子士訥成立娶李氏至孝因姑病割股人皆以爲苦節之報邑令王之衛以貞淑繼美旌其門

王氏王氏王鳳山女其夫蔣士俊卒氏年二十九以親老子幼仰事俯育守節終身其堂姪蔣法妻王廷生女年二十二法亡亦以親老子幼養親撫孤守節終身邑令王之衛旌曰雙節流輝

段氏王東侯妻于歸一載夫死氏年十九苦志貞
守以次房子爲嗣翁年九十餘氏奉飲食問起居
維謹事繼姑尤篤守五十餘年無現齒七十五歲
卒銓部陳大文以冰霜勁節旌其門

張氏閭可誨妻十九守節邑侯汪修鏞以節同松
柏旌之

陳氏紹興人從祖蒞杞任因家焉十八歲爲生員
劉鏞婦鏞爲文烈公後能文善詩賦婚一載而卒

一子生僅十日公姑無靠氏則上奉晨昏下撫孤

尚書曹秀先旌其門曰節孝維風

許氏十八歲爲鄭惠麟妻二十五歲夫亡子方二
歲翁已七旬貧無立錫地病癰瘰氏孝養十餘年
不怠懷抱孤子晝夜以紡織糊口翁卒氏包土築
墓困苦備嘗年越七旬卒儒學羅承祖以苦節奇
貞旌之

馬氏侯振成妻振成邑世族弱冠潛心詩文二十
二歲以耳疾卒氏年二十一苦志貞守奉翁姑極
孝治家嚴肅人莫敢犯取長兄次子資河承嗣教

小東志 卷之二十一
愛並篤苦節四十餘年邑侯周璣以節媿松筠旌
其門

馬氏侯天章妻氏年二十三章卒貞志苦守取姪
監生殿承嗣邑令汪修鏞以節茂松筠表其門

馬氏侯璫妻年二十二璫卒卽投繯欲死力救復
蘇族黨以姑無依責以大義苦守四十餘年邑侯
周璣以節孝兩全旌其門

王氏張天祿妻夫亡氏三十二歲撫孤守節乾隆
十五年學使蔡新旌曰松柏本性

王氏韓氏吳氏李氏王氏需童牛世全妻二十三

乾隆十七年學使夢麟旌其門曰節壽芳模韓氏
呈旺妻年三十夫亡有四子俱幼氏上事孀姑下
撫諸子俱成立繼憲中乾隆丙子科武舉四經
業亦入庠未幾憲與業相繼而殞兩媳吳氏李氏
俱青年立誓守節韓年七十三病卒吳氏李氏亦
各逾六旬一門三世四婦俱艱辛苦守鄉里皆重
之

黨氏儒童李守己妻年二十六夫亡遺腹生子公
姑俱存家僅薄田數畝氏辛勤操作以仰事俯育

守節五十五年乾隆壬申學使夢麟旌之

楊氏張永襄妻二十一歲夫故守節三十一年學

政蔡旌曰貞心亮節

王氏趙尙敬妻夫故守節乾隆九年十一月學憲

林旌曰彤管芳徽

孔氏霍宗魯妻夫故守節孝事二親育二子俱入

庠年九十一卒守節六十二年學憲蔡旌曰貞心

淑德

張氏年二十五夫黃楹染病對夫自誓願守終身

儒學何羽冲以媿美柏舟旌其門

李氏范侄妻夫故守節三十餘年乾隆四十八年

學使李旌曰恒德坤貞

劉氏蒲質睿妻夫亡年二十守節二十九年府尊旌曰節孝可風

王氏唐登第妻夫亡年二十八撫子唐玉守節三十九年媳朱氏爲姑病割股邑令旌曰一門節孝
孫氏增廣生莫巍妻年三十夫亡上奉老母下撫孤子孝慈之譽內外無間八十三歲卒守節五十

三年邑侯李旌曰節孝流芳儒學劉旌曰德壽兼隆

時氏王有義妻十八歲于歸二十四歲夫亡守節四十六年邑侯潘思光旌以對聯

扈氏王珍妻年十八于歸二十四歲夫亡現年六十四守節四十年儒學崔一機以節孝維風旌之趙氏孫繼耀妻十七歲于歸十八歲夫亡守節三十六年儒學崔一機以瑤池古雪旌之

孔氏任愉妻二十四歲夫亡守節四十八年七十

何氏貢生張瑤妻十九歲夫亡從以身殉數日水漿不入人以舅姑年老責乃誓守五十餘年邑令周璣以松筠節操旌之

史氏湯兆興妻二十四歲夫亡守節四十年儒學崔一機以操比松筠旌之

張氏陳士明妻鄉飲大賓太學生吏部候選縣丞張錫濤次女守節四十二年乾隆四十七年儒學訓導傅念祖以冰雪古心旌之

李氏王廷璉妻十九歲夫亡無子取猶子爲嗣撫育成立守節五十二年現年七十一邑侯周璣以

爲妻六載夫亡氏以柏舟自矢儒學傳念祖旌曰
冰雪古心

趙氏生員何興讓繼室事夫六年夫故氏苦節堅
貞之死靡他教子成立季子入庠教諭羅承祖旌
曰鍾郝貽徽

孔氏徐扶妻年二十夫亡苦守三十餘年縣令王
旌曰節孝閨範

趙氏儒童徐經文妻年十八于歸七載夫亡氏矢
志自守事舅姑生死盡禮教孤讀書入庠年七十

以奉雙親親歿力爲營葬艱辛備嘗五十餘載方
得取旁支爲嗣年八十歲學使李旌曰節堅金石
李氏監生董默妻年二十六歲夫亡矢志守節奉
翁姑以孝聞取姪剛中爲嗣撫育成立人庠憐弟
姒孫氏賢孝早亡幼姪二人姪女三人撫育如已
出俱爲婚配節厯四十年六十六歲卒庚子學憲
王大鶴旌曰彤管流輝

黃氏韋通運妻年二十二夫亡守節三十年邑侯
卽一聯旌之

任氏方廷楷妻年二十四夫亡守節三十年邑侯
邵一聯旌之

尹氏劉鶴妻十六歲于歸二載夫亡守節三十餘
年邑侯周璣以節並孝彰旌之

林氏魏适妻年二十一夫亡守節四十餘年邑侯
周璣以巾幗完人旌之

白氏劉偉妻年十八夫亡守節四十餘年邑侯周
璣以松筠足式旌之

唐氏張銓妻十七歲于歸九載夫亡氏念親老無
依守節奉事公姑無有孤子苦愁三十餘年乾隆

三十八年 申請旌表

張氏邊開城妻年十六于歸九載夫亡奉事翁姑
守節三十九年乾隆三十二年申請旌表

陳氏邊克賢妻年十六于歸三載夫亡守節五十
年學院以柏茂松貞旌之

李氏崔廣裕妻十六歲于歸五載夫亡欲以身殉
賴弟婦昏旦羈絆力勸乃奉親撫子苦守五十一
年邑侯王以葉節施心旌之

王氏陳炳妻十九歲夫亡苦守四十餘年邑侯汪
修鏞旌之

十三年儒學以節婉松筠旌之

盛氏劉進朝妻十七歲于歸二十四歲夫亡遺孤
二歲家極貧寒紡績以事翁姑翁姑病氏服事湯
藥日不交捷者十晝夜及卒殯葬極盡哀禮教子
維清入庠有文名苦守三十年五十四歲卒教諭
葉介封訓導傳念祖以貞節可風旌之

高氏趙天雯妻年十九于歸數月夫亡一痛幾絕
翁姑諭以大義氏乃守節事翁姑取姪來貢爲嗣
教之成立苦守三十餘年邑侯周璣旌曰閨闈遺

侯周璣旌曰冰雪爲心

張氏趙時妻年二十七夫亡取姪承繼續紡自給
苦節三十年邑侯周璣旌曰節堅金石

祝氏趙希伸繼室年二十四夫亡日夜紡績以奉
翁姑嫁女葬親艱辛備嘗苦節三十餘年邑侯周
璣旌曰甘心齎蘗

耿氏趙天霞妻年二十八夫亡取姪來樾爲嗣守
節養親茹荼飲蘗四十餘年儒學崔一機旌曰節
孝維風

木集元
卷之二十一
閔氏馬世印妻年二十四夫亡現年七十守節四十六年儒學崔一機旌曰節比松筠

李氏徐庚運妻十七歲夫亡守節三十六年儒學羅承祖旌曰苦節奇貞

楊氏張文廣妻十八歲夫亡守節三十五年儒學羅承祖旌曰心堅金石

王氏徐希孟妻十九歲夫亡守節五十七年儒學羅承祖旌曰節凜冰霜

郭氏徐純妻二十五歲夫亡守節四十三年儒學

羅承祖旌曰節凜冰霜

自閑上事衰姑下撫孤子飲血茹冰六十年

林氏何廣溶妻年二十二歲夫亡無子奉事翁姑三十餘年始終不懈現在五十八歲

鄭氏張彝繼室年十九適彝二載夫亡無子矢志冰霜四十年

莫氏于慧妻年二十一夫亡無子取猶子爲嗣守節四十五年

焦氏武庠生務卓妻年二十二夫亡子三歲事親撫孤守節三十四年

袁氏徐國安繼室二載夫亡氏幼讀書識大體取嗣子撫之葬夫以禮守節三十年

許氏王愷妻年二十三夫亡無子欲以死殉念翁姑無依忍死奉養取姪承繼現年五十九

程氏儒童郭浩妻夫亡子幼翁姑垂白仰事俯育各盡其道守節三十餘年

王氏儒童牛星辰繼室辰讀書攻苦遭疾亡氏年二十六兩孤俱數齡辛勤撫育成立姑年七十餘病癱瘓臥床二載氏奉侍湯藥隆冬盛暑未嘗少

貧氏以織紡上奉衰姑下撫孤子終歲不倦姑卒
營殯葬盡哀盡禮七十八歲卒

孫氏年二十三爲秦渭妻二十五夫亡遺一再週
子家極貧困竭力事姑姑卒殯葬如禮四十餘歲
子又亡撫養寡媳孤孫迭經困苦歷五十年七十
八歲卒

鄭氏二十歲爲監生孫廷翰婦相敬如賓三載廷
翰卒子方一週公姑年老仰事俯育克盡孝慈及
公姑偕亡子又不育氏擇繼子擇嗣孫殯葬公姑

一一如禮守節三十年

傅氏宋培生妻結褵三載夫亡家極貧遺子方週
歲氏極力事姑姑卒盡喪葬禮撫養孤兒守節三
十年

井氏監生孫廷建妻年二十五夫故氏教養孤兒
且治家嚴肅守節三十年

夏氏龔起妻起亡氏年二十五姑孀居子襁褓日
用不給氏卒無去志苦節三十七年

張氏庠生彭曰良妻良亡氏年二十八子方三歲
氏勤紡織以仰事俯育守節三十年

二十年克盡孝養取長門次子武生傑承嗣孫毓
魁中戊申科武舉皆氏教養力也年六十二卒儒
學崖一機旌之

侯氏徐致妻十八歲適致二十二歲致卒取長兄
次子清猗承嗣家貧如洗苦節四十餘年

閆氏儒童侯志成妻志成以勤學得病死遺子週
歲未幾亦亡氏年二十三形單影雙苦守四十年
張氏楊肇吉妻年二十二夫死守節五十年

李氏楊扶霄之子馨妻二十二歲夫亡苦守四十

年

李氏通政司李公元孫女翰林繼謨羅公元孫婦
年十九歸羅謹謹卒子生方九日翁姑年邁紡織
以奉二親教養孤子國舉十八歲入邑庠食餼登
戊申科鄉榜氏守節四十年

謝氏王子祿妻年二十八夫亡子甫二歲家貧無
親族可恃氏晝夜勤苦以織紡養子成立苦節三
十三年

懷氏朱應朴妻夫卒勤奉翁姑訓子成家守節四

十年

十而終

楊氏萬家正妻二十一歲夫亡公姑憐其幼見輒
懷然不妄氏和顏色甘語慰勸撫孤子成立守節
五十年

何氏葉維翰繼室年二十歲適葉越二年夫亡奉
翁姑極孝撫元配子及所生子如一人咸稱其慈
孝現年五十八

張氏趙克興妻年二十二夫亡欲以身殉念舅姑
垂老夫嗣未立遂矢志砥節三十一年現年五十

三

馬氏侯捷妻年二十七夫亡子方一週事親撫孤苦志守節三十餘年

馬氏朱潤妻年二十二夫亡取猶子繼嗣又早卒撫三歲弱孫成立苦節四十八年現年七十

王氏朱灝妻夫歿氏年二十無嗣誓死不二現年四十九

方氏朱碧波妻年十九適碧波九月夫亡姑沉病不起者四年氏奉侍湯藥衣不解帶病愈後凡衣服食用必親奉之姑歿殯葬成禮守節三十八年

極勞苦子孫俱遊庠書香不絕氏之力也守節三
十年

劉氏羅銑妻年二十五夫卒生子方七月氏強爲
歡笑以慰高堂以育弱子守節五十年

葉氏王紳妻年二十二夫亡欲以身殉念翁姑奉
養無人忍死守節生事死葬皆氏一人經理復爲
夫立嗣茹茶飲藥備歷艱辛現年七十

趙氏孫本妻二十六歲夫亡取猶子爲嗣守節四
十年

段氏牛國敬妻二十五歲夫亡兩子皆數齡公姑垂老家貧艱衣食氏勤織紡以仰事俯育親殯竭力殯葬撫孤成立守節三十餘年

張氏于二朱妻年二十六夫故遺子九隆三月矢志守節有叔三人欲令改嫁逼迫再三氏曰如再逼我我即觸石死叔無奈立使氏自爨無升合氏至數日不能舉火鄰里稍給錢麥助之乃得織紡度日撫子成婚子旋病故有孫名得方九歲氏又撫孤孫勤苦不懈守節四十二年今六十八歲住

年八十四卒

李氏丁村社江家庄江絜矩妻舊志所載明末路氏罵賊而死乃太高姑也初事父母至孝十七歲于歸年二十五夫嘔血死子九璋甫三歲氏一號幾絕三日不食翁姑以親老子幼勸乃忍死進飲食舅患噎症瀕危氏割股啖之病立愈撫幼子讀書遊庠守節三十年

張氏霍千里妻二十一歲夫故無子舅姑年逾五十又無次丁氏勸舅娶妾爲後嗣計祝天祈禱十

餘年舅果生子子又生孫氏撫育以承夫嗣守節
五十八年

邊氏霍宗尙妻性穎慧通文義十八歲于歸事親
以孝聞年二十七夫故姑老子幼義不容殉日惟
號泣姑勸方食三年不嘗甘旨事姑馬氏極誠姑
病故殯殮如禮撫育孤子長庚延名師教誨入成
均有女婢名冬梅待之有恩及長與之擇配梅曰
婢原有壻家乞遂吾志氏義之使人訪焉果得其
夫人謂婢之義皆氏之所感云卒年六十守節三

歲名朋來家極貧氏紡績自給撫幼子娶媳未幾
子婦俱卒孫名羊甫五歲氏又撫孤孫守節四十
一年現年六十八

張氏楊崇巍妻十九歲子歸二十四歲夫故舅老
且瞽子繼烈甫十月忍死事舅養生送死竭盡心
力撫育弱子成立年六十四歲守節四十一年
李氏于崇旺妻二十五歲夫故子兆祥甫六歲撫
孤成立守節三十五年

張氏于林富妻二十一歲夫故守節三十三年

鄭氏楊懷禮妻年二十八夫故姑老子幼事姑朝夕不倦姑歿殯葬盡哀育子成立年八十四卒守節五十六年

于氏陳喜妻年二十七夫故姑老子松甫四歲矢志守節紡績以奉朝夕子夭又取姪承嗣姑病故氏竭力殯葬年五十六歲守節三十年

于氏李行五妻二十歲夫故矢志守節今六十六歲苦歷四十六年

丁氏解氏楊大柱妻二十九歲夫故舅姑老子學

詩有之歲氏上事姑舅下無易子各盡其道及舅

如列女祠立畫二
四年解氏大柱胞弟大梅妻二十歲夫故無子女
氏念舅姑老矢節以奉朝夕及舅姑歿哀毀成疾
延數載而亡苦守四十三年邑侯周璣以雙節同
貞旌之

楊氏閤奉天妻二十一歲夫亡一子一女守節五
十餘年

黃氏王廷祥妻十八適廷祥閱二年祥亡撫養孤
子艱辛備嘗守節四十八年

黃氏耿之順妻夫亡年二十五守節五十五年卒

徐氏孫龍光妻年二十夫亡守節三十二年卒

范氏步公良妻年十七夫亡守節三十年

袁氏魏嗣復繼室負性貞靜年二十于歸歲餘夫亡奉姑教子克盡孝慈守節三十餘年

魏氏張鏊妻夫亡年二十八翁姑俱老繼嗣乏人遂忍死奉親以待立後閱十五年乃取堂姪元素爲嗣苦守四十八年

朱氏孝廉太璞女年二十一爲庠生薛嘉禾妻二年夫亡取姪式賜爲嗣苦守三十年

長子劉萬章妻年二十一夫亡守節三十年

董氏王法武妻年二十七夫亡無子舅已衰邁繼姑所遺一子尚幼氏曰吾所依賴者惟此而已紡績苦守三十五年

何氏常洛妻年二十四夫故氏誓欲殉翁姑力勸乃啣悲奉親閱十餘年取堂弟次子鶴汀爲嗣卒年五十四

冷氏李際泰妻年二十六夫故子方一週上事孀姑下撫遺孤苦守三十二年

張氏李際昌妻年二十一夫故子方逾月上事翁

姑下撫孤子守節三十二年

郝氏胡世有妻二十歲夫亡事親盡孝厯二十餘年不倦伯世福謂其子庠生醇曰爾叔母之德不可忘也其以爾子爲嗣氏撫孫爲之授室又二十五年而卒

楊氏王友昌妻夫病篤祈天願以身代夫卒家道陵替雙親繼亡伯亦棄世姒不能守而氏獨以身支持撫伯子爲己子曰吾終不忍學不義使王氏孤子無依也辛勤艱苦教子成立至今三十四年

曹氏高注妻適注一載生即也出不歸哉方以孝

翁姑乾隆丁亥歲人相食勸氏改適者紛紛氏心終不動困苦艱難五千載如一日

趙氏儒童宋景妻

王氏劉樹松妻二十七歲夫亡上奉翁姑下養幼子孝慈之譽內外無間苦節三十二年

齊氏王天玉妻結褵四載夫因家貧自縊孤方三歲氏以五世單傳撫子倍至苦守四十五年

趙氏郭富妻年二十四夫故翁年六旬次子尙幼氏上事翁及叔娶妻生子乃取爲嗣撫養成人守節三十年

張氏張宗妻年二十四夫故姑年老家貧不給氏以手續佐甘旨不少懈守節三十四年

曹氏朱珣妻年二十三夫故氏上事孀姑下撫幼孤教養兼至守節三十五年現年五十八

趙氏李全妻年二十夫亡無子孀姑在堂姑憐其幼命改適曰旣無子女又鮮兄弟汝爲誰守氏不勝悲曰婦若去姑復何恃也終績紡以事姑姑卒後屢經災荒以餓死卒年九十三歲

王氏潘洙妻年二十四夫亡越半歲舅姑相繼亡

馬氏侯濬妻十八歲夫亡奉翁姑孝謹撫養嗣子
守節三十八年現年五十六

袁氏李宏萬繼室夫亡年二十四子清傑甫二歲
艱苦備嘗教子成立入武庠孫立柱亦補庠生現
年七十二

孟氏侯培曾妻夫亡二十四歲苦志守節教養嗣
子成名守節五十餘年

張氏侯存誠妻夫亡二十七歲撫幼子守節四十
五年

黃氏魏永善妻十九歲適魏三月夫亡取嗣守節
四十五年現年六十四

王氏唐柯妻于歸三載夫亡無子上事翁姑孝養
兼備翁姑亡時親營喪葬艱苦備嘗現年七十

李氏十七歲爲唐丕業妻二十二歲夫亡苦志貞
守事孀姑極孝取堂兄子承嗣守節四十餘年現
年六十二

劉氏胡馴妻二十歲夫故守節三十年

徐氏高廷監妻二十一歲夫亡舅姑皆年過八旬

王氏崔志誠妻年二十二夫亡守節四十九年現年七十一

汪氏李琮妻年十八夫亡奉姑教子守節五十年
徐氏李成德妻年二十三夫故守節四十三年

趙氏馬世崇妻二十三歲夫故守節四十年

李氏監生趙充閭妻年二十夫亡氏欲以身殉水
漿不入家人以舅姑年老勸氏乃誓守奉侍晨昏
定省如子職姑疾侍湯藥不懈歿哀禮交至弟姒
歿遺幼女無依氏撫養之爲之婚配居常勤紡績

食粗糲動以禮法自持承舅姑命以姪增瑋爲嗣撫之成立入太學捐藩司經歷親黨稱之守節三十餘年乾隆三十年申請旌表

劉氏尹國賢妻守節三十五年

李氏秦淳妻守節四十六年

蒲氏徐同文妻守節五十四年

耿氏徐薇妻守節五十七年

尙氏徐悅賢妻守節四十年

徐氏尹天聚妻守節四十三年

曹氏文福妻二十四歲夫亡守節四十八年現年七十

張氏王思哲妻十九歲夫亡守節四十六年現年六十五

沈氏步聖傳妻二十二歲夫亡守節五十五年卒年七十七

莫氏曹自明妻二十四歲夫亡家極貧孤苦零丁守節四十五年

李氏袁福妻二十四歲夫亡撫子成虎苦志守節後成虎天妻劉氏年二十五無子取姪文智承嗣

復天妻喬氏年二十一子女皆無勵志苦守李八十四卒劉七十九卒喬現年六十二一門三節

李氏李思德妻二十一歲夫亡取姪爲嗣守節六十年

徐氏李成德妻年二十三夫故守節四十三年卒年六十六

張氏張葵菴妻二十歲夫亡事奉公姑恪盡孝道守節三十餘年

陳氏黃淑朱妻二十四歲夫亡孝以事上慈以待

取日黃壽林妻二十六歲夫亡荷事翁姑孝至
子六十八歲卒守節四十二年

徐氏陳懷德妻年二十七夫亡守節至七十八歲
卒冰操五十一年

王氏生員黃楹妻年二十一夫亡現年六十八守
節四十七年

趙氏陳廷桂妻十九歲于歸二十二歲夫患吐血
症氏籲祈以身代卒不救氏痛悼不食累日親族
以親老勸乃復食事翁姑極孝取堂姪錫泰爲嗣
極盡母道守節四十三年卒

崔氏府學廩生崔琇女年二十適單世則二十六歲夫亡家貧無子氏績紡養親備歷辛苦以幼姪爲嗣苦節三十餘年

梁氏胡忠本妻年十七于歸生子孝高甫五歲夫亡氏甘心守節越數年叔嬸等又相繼亡氏獨理家計盡質簪珥以供翁姑甘旨延師課子篝燈課讀賢德備著年三十八卒 按此守節至三十八歲而卒或以年未及格疑之夫所以限其年分者以其未死或恐變志也今二十餘守節至三十八

張氏王智妻二十九歲夫亡止遺一女立志守節
遇荒歲氏扶翁姑謀食于永城翁卒寄葬歸里織
紡事姑迨姑卒氏親赴永城負翁骨歸與姑合葬
現年八十二守節五十三年

毛氏王維新妻結褵三載夫因貧出外不歸氏上
事翁姑下撫八月幼孤紡績苦守四十九年

高氏侯琨妻二十三歲守節七十歲卒

李氏楊玉文妻年十九夫亡現年七十五守節三
十六年

孟氏趙獻杯妻二十五歲夫亡雙親俱老遺子長
三週次一月家貧無依氏上事公姑下養孤兒現
年七十八苦守五十三年

劉氏李龍藻妻十九歲于歸二十二歲夫亡現年
五十二守節三十年

薛氏張崇妻守節三十一年邑侯周璣以節潔秋
霜旌之

王氏陳文召妻守節四十七年邑侯周璣以孝以
節全旌之

列女志

孔氏馬世譽妻

陳氏耿方松妻

吳氏杜恒妻

潘氏王大仁妻

汪氏謝氏王法元妻

李氏馬興業妻守節四十八年邑侯周璣以節

金石旌之

李氏蘇天周妻守節六十一年邑侯周璣以貞操

代終旌之

倪氏曹世均妻守節三十一年邑侯周璣以貞操
不虧旌之

徐氏賀士經妻二十四歲夫亡守節四十年

黃氏潘德潤妻十九歲夫亡守節五十二年

張氏劉萬繼妻十九歲夫亡守節四十年

李氏張連妻二十二歲夫亡事親撫孤克盡孝慈

守節五十八年

楊氏孫成儒妻十八歲于歸二十九歲夫亡孝以

奉親慈以撫孤守節三十二年

節孝可屈族之

周氏生員李允升妻二十一歲夫亡守節三十二
年

張氏彭良妻

張氏何治漢妻二十一歲夫亡守節五十二年

耿氏秦渠澮妻二十四歲夫亡守節六十一年

耿氏于武妻二十四歲夫亡守節四十二年

王氏任士俊妻二十歲夫亡守節四十年

劉氏張本妻二十五歲夫亡守節四十二年

申氏邊發芷妻二十七歲夫亡守節三十三年

董氏李殿元妻二十七歲夫亡守節四十五年

韓氏胡挺妻十五歲夫亡守節四十年

黃氏李榮妻二十歲夫亡守節三十二年

閻氏謝天朴妻二十歲夫亡守節四十三年

孔氏徐扶妻

張氏陳士鑑妻

劉氏尹琇妻

李氏秦淳妻

吳氏馬本固妻

張氏秦世湯妻二十二歲夫亡守節四十年

吳氏秦規妻二十一歲夫亡守節四十一年

王氏秦棟妻二十二歲夫亡守節四十二年

王氏郭從王妻二十四歲守節四十九年

韓氏耿曜妻二十歲夫亡守節四十年

孟氏杜思聰妻二十三歲夫亡守節四十載

黃氏項裕謙妻二十歲于歸半載夫亡氏織紡以

事老姑撫前子方週歲教養如已出守節三十五

年現年五十五歲

霍氏徐氏霍氏沈佩紳妻二十一夫亡守節四十九

年嗣子沈立娶徐氏七年而亡氏矢志奉事姑孀
守節四十年

劉氏王克醇妻十七歲于歸二十二歲夫亡守節
三十餘年學憲湯以茹荼畫荻旌之

張氏陳道之妻十九歲于歸二十九歲夫亡守節
四十餘年



